



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De acedia & filiabus eius, cap. 27

urn:nbn:de:hbz:466:1-13177

ium, idcirco ab omni homine magis cæteris vitijs est vitandum.

CAPVT XXVII.

QVARTO loco ponitur Acedia, quæ viris religiosi solet esse satis importuna. APOLLON. Quia nomen huius vitij aliquantulum barbarè sonat, quid sit acedia, vel vnde dicatur, scire desidero. CÆSARIUS: Acedia est ex confusione mentis nata tristitia, siue tædium & amaritudo animi immoderata, qua iocunditas spiritalis extinguitur, & quodam desperationis præcipitio mens in semetipsa subuertitur. Dicitur autè acedia, quasi acida, eo quòd opera spiritalia nobis acida reddat & insipida; de qua per Salomonem dicitur: Manus remissa tributis seruiet. Item, Pigrum deiecit timor à bono opere: animæ autem effeminatorum esurient. Dicit autem de ea Seneca: Turpissima est iactura, quæ per negligentiam fit. Acediæ siue tristitiæ propagines sunt malitia, rancor, pusillanimitas, desperatio, torpor circa præcepta, euagatio mentis circa illicita. Acedia multos tentat, & multos præcipitat. APOLLONIVS: De tentatione huius vitij exempla subiungas. CÆSARIUS: Audi quam sit periculosum acedia vexari.

CAPVT XXVIII.

MONACHVM quendam diabolus, sicut exitus probauit, ita reddiderat acediosum, vt quotiens esset ad matutinas surgendum, statim ex quadam pusillanimitate & timore vigiliarum, sudore perfunderetur. Putans esse ex infirmitate, iacuit, vestibus se operuit, & sicut ostium, secundùm Prouerbiũ Salomonis, vertitur in cardine suo, ita piger ille vertebat se in lecto suo. Nocte quadam ad signa notarum surgentibus cæteris omnibus, festinantibusque ad diuinum officium, cum ille surgere tentaret, audiuit de sub lecto, quando iterum verante acedia se reclinaret, vocem quãdam incognitam, clarè satis sibi dicentè: Noli surgere, noli sudorè tuũ interrumpere, quia non expedit tibi. Tũc primùm seriens sibi à diabolo per vitium acedię esse illusũ, a fantastico illo sudore

De Acedia.

Prou. 12

Prou. 13

Seneca epist. 1.

Acedia quã periculosa

Prou. 26

dore